



**UNIT KOMUNIKASI
KORPORAT
JABATAN PERIKANAN
MALAYSIA**
BERITA PERIKANAN HARI INI

3 FEBRUARI 2021

SENARAI AKHBAR	TAJUK
Utusan Malaysia	
Berita Harian	
Harian Metro	
Kosmo	
Sinar Harian	<ul style="list-style-type: none">• Elaun Sara Hidup Nelayan mula dibayar bulan ini• Beralih arah jadi usahawan ikan masin• MAFI minta pemain industri terus tingkat pengeluaran makanan• Harga makanan ikan naik lagi
New Straits Times	
The Star	
Bernama	
Lain- Lain Akhbar	

Elaun Sara Hidup Nelayan mula dibayar bulan ini

Kadar tersebut telah dinaikkan daripada RM250 kepada RM300 sebulan

Oleh MUHAMMAD YUSAINY
MOHAMAD YUNUS

SHAH ALAM

Kementerian Pertanian dan Industri Makanan (MAFI) melalui Lembaga Kemajuan Ikan Malaysia (LKIM) menaikkan kadar bayaran bulanan Elaun Sara Hidup Nelayan (ESHN) sebanyak RM300 sebulan bagi tahun 2021.

LKIM memaklumkan, kadar tersebut telah dinaikkan daripada RM250 kepada RM300 sebulan membabitkan seramai 35,000 nelayan yang layak di seluruh negara.

"Pembayaran ESH ini pertama kali dilaksanakan bermula Februari 2021 untuk bayaran bagi bulan Januari.



FOTO: BERNAMA

Kadar bayaran bulanan ESHN dinaikkan daripada RM250 kepada RM300 sebulan membabitkan seramai 35,000 nelayan yang layak di seluruh negara.

"Peningkatan kadar ini merupakan cerminan kerajaan yang prihatin terhadap nasib nelayan," katanya dalam satu kenyataan di sini pada Selasa.

Kenyataan itu berkata, program tersebut merupakan bantuan dalam bentuk kewangan yang diberi pada setiap bulan kepada pemilik vesel perikanan dan pekerja yang layak serta berdaftar.

"Nelayan yang layak dipertimbangkan untuk menerima bayaran ini terdi-

ri daripada nelayan warganegara Malaysia berumur 18 tahun dan ke atas.

"Selain itu, pemilik vesel perikanan zon A sahaja dan pekerja zon A; B, C dan C2 juga tergolong dalam kategori nelayan yang layak.

"LKIM berharap dengan bantuan tersebut dapat meringankan beban masyarakat nelayan ketika berdepan pandemik Covid-19 dan musim tengkujuh," kata kenyataan itu.

Beralih arah jadi usahawan ikan masin

Cari alternatif selepas industri pelancongan diceburi sejak tujuh tahun lalu merudum

KUALA LUMPUR

Demi menyara keluarga, dua rakan kongsi, Khairul Nizam Amat Zaini, 42, dan Nor Azizan Adnan, 49, beralih arah menjadi pengusaha ikan masin selepas lebih tujuh tahun terlibat dalam industri pelancongan.

Segala-galanya bermula apabila kedua-duanya mufa berjinak-jinak menjalankan perniagaan ikan segar yang diambil dari Tanjung Karang, Kuala



Khairul Nizam menunjukkan ikan masin yang diusahakannya di Taman Selayang Mutiara, Kuala Lumpur.

Selangor sejak setahun lalu setelah negara dilanda pandemik Covid-19 sehingga dikenakan Perintah Kawalan Pergerakan (PKP).

"Apabila Malaysia dilanda wabak, industri pelancongan terus merudum. Kami perlu mencari alternatif bagi meneruskan kelangsungan hidup.

"Jadi, kami pun bermula sebagai penjual ikan segar, namun berubah untuk mengusahakan ikan masin sejak Disember 2020 selepas melihat potensinya," kata Khairul Nizam kepada *Bernama* baru-baru ini.

Ber cerita lanjut, pemilik My Altitude 30 Travel & Tours Sdn Bhd itu berkata, perniagaan ikan masin menerusi label Tiga Budak Travel itu tercetus apabila terdapat lebih ikan segar yang tidak terjual.

Khairul Nizam berkata, mereka kemudiannya mempelajari



Aspek kebersihan sangat dititikberatkan sepanjang proses pembuatan ikan masin supaya tahan lebih lama.

pembuatan ikan masin melalui YouTube.

"Sejak itu kami mencuba sendiri dengan membeli ikan-ikan daripada nelayan, memerap dengan garam dan menjemurnya di bawah matahari terik selama beberapa hari.

"Semua ikan ini akan di-siang dan dibersihkan untuk mengelak tindak balas kuman yang boleh menjejaskan mutu hasilnya," katanya.

Menurutnya, aspek kebersihan sangat dititikberatkan sepanjang proses pembuatan ikan masin bagi memastikannya bebas kuman sekali gus menjadikannya tahan lebih lama.

"Antara ikan yang popular dijadikan sebagai ikan masin ialah gelama, tenggiri, ikan bulu ayam dan pelaiang yang dijual antara RM10 hingga RM70 sekilogram.

"Awalnya kami bermula de-

ngan lima kilogram pelbagai jenis ikan. Alhamdulillah, dapat sambutan yang memberangsangkan.

"Sekarang walaupun menggunakan kaedah tradisional, kami mampu menghasilkan 80 sehingga 100 kilogram ikan masin dalam tempoh seminggu," katanya yang mempromosi dan memasarkan hasil ikan masin secara dalam talian menerusi pelbagai platform media sosial.

Beliau berkata, melihat kepada potensi perniagaan sedia ada, mereka merancang untuk membuka kedai suatu hari nanti.

"Kami melihat industri pelancongan tidak akan berkembang dalam tempoh tiga tahun ini, jadi kami memikirkan alternatif untuk meneruskan perniagaan ini," katanya. - *Bernama*



Walaupun menggunakan kaedah tradisional, Khairul Nizam mampu menghasilkan 80 sehingga 100 kilogram ikan masin dalam tempoh seminggu.

MAFI minta pemain industri terus tingkat pengeluaran makanan

SH 39

TUMPAT - Kementerian Pertanian dan Industri Makanan (MAFI) meminta pemain-pemain sektor pertanian, penternakan, dan perikanan, untuk terus meningkatkan pengeluaran hasil bagi menyediakan bekalan makanan mencukupi, kepada masyarakat.

Timbalan Menteri Pertanian dan Industri Makanan II Datuk Che Abdullah Mat Nawawi berkata, kementerian itu sentiasa memberikan kerjasama kepada mana-mana pihak, bagi memastikan pengeluaran makanan negara mencukupi untuk dibekalkan kepada seluruh rakyat Malaysia pada harga berpatutan.

“Kita minta semua sektor pertanian, penternakan dan perikanan, jangan berhenti mengeluarkan makanan, walaupun ketika ini kita dalam Perintah Kawalan Pergerakan (PKP) dan Covid-19.

“Teruskan kerja-kerja bagi mengeluarkan makanan dengan mematuhi Prosedur Operasi Standard (SOP), walaupun tidak dinafikan harga pasaran makanan tidak menentu ketika ini,” katanya selepas Program MAFI Prihatin Bantuan Banjir Tahun 2021 di Dewan Pertubuhan Peladang Kawasan (PPK) Tumpat di sini pada Isnin.

Che Abdullah berkata, MAFI telah menubuhkan bilik gerakan bagi membantu mana-mana usahawan, penternak, petani mahupun nelayan yang menghadapi masalah bantuan dan sebagainya.

Katanya, dalam perniagaan, peniaga akan sentiasa mencari peluang mengaut keuntungan, namun kerajaan melalui kementerian mempunyai kaedah bagi memastikan tidak ada golongan melakukan kesalahan, dengan meningkatkan harga barang secara tidak berpatutan.

“Apa yang kementerian mahu pastikan, negara kita terus mengeluarkan makanan kepada rakyat pada harga berpatutan,” katanya. - *Bernama*

Harga makanan ikan naik lagi

JH 25

Pengusaha ikan patin sangkar akui terkesan, terpaksa naikan harga

Oleh ROSILAWATI ROSEDI

TEMERLOH

Kenaikan harga palet makanan ikan menyebabkan pengusaha ikan patin sangkar di daerah ini terpaksa menaikkan harga jualan bermula minggu ini.

Situasi itu dihadapi selepas beberapa tahun pengusaha ikan patin sangkar menanggung kos apabila satu beg palet seberat 20 kilogram yang berharga sekitar RM60 (berbeza mengikut jenama) kini naik sebanyak RM3 bermula Isnin.

Difahamkan, harga runcit ikan patin mentah yang dijual di sini juga meningkat kepada RM18 atau RM19 sekilogram berbanding RM17 beberapa tahun lalu, malah harga borong juga dilaporkan meningkat.

Pengusaha ikan patin sangkar, Mohd Saifullah Rosdi, 25, di Kampung Buntut Pulau di sini berkata, ikan patin di gerainya dijual pada harga RM17 beberapa tahun lalu.

Namun, katanya, dia terpaksa menaikkan harga ikan patin sebanyak RM2 sekilogram disebabkan tidak dapat menanggung kos kenaikan harga palet.

"Saya berharap pelanggan



Mohd Saifullah menyifatkan kenaikan harga makanan ikan kali ini memberikan kesan kepada pengusaha ikan patin sangkar.

memahami situasi dihadapi pengusaha selepas beberapa kali kenaikan harga palet sebelum ini," katanya.

Seorang lagi pengusaha, Manisah Mat Sam, 52, dari Jalan Songsang di sini juga mengakui dia terpaksa menaikkan harga runcit ikan patin.

Mula mengusahakan ikan patin sangkar sejak 12 tahun lalu, dia menyifatkan kenaikan palet kali ini memberikan kesan ketara terhadap perniagaan mereka.

"Mungkin saya terpaksa jual RM18 sekilogram dalam tempoh terdekat. Saya kasihkan pembeli tetapi kenaikan kos sekarang tidak dapat ditanggung lagi," katanya.

Sementara itu, Pengurus Besar Pertubuhan Peladang Kawasan (PPK) Temerloh, Zakaria Alias berkata, kenaikan

harga palet adalah disebabkan pengeluar menaikkan harga.

"Bermula minggu ini, harga palet pelbagai jenama meningkat sekitar RM3 satu beg," katanya.

Dalam pada itu, Exco Jawatankuasa Pertanian, Industri Asas Tani dan Bioteknologi Pahang, Datuk Seri Ir Mohd Soffi Abd Razak berkata, kerajaan negeri tidak mempunyai kuasa dalam isu berkaitan kenaikan palet tersebut kerana ia bukan dalam senarai harga barang kawalan.

"Cuma kita berharap pihak pengusaha akan lebih telus dan tidak mengambil kesempatan dengan situasi ini kerana ada segelintir yang kurang bertanggungjawab menjual ikan dari kolam, tetapi mengenakan harga seperti ikan sangkar," katanya.